




Manuel Sendón presentará este xoves 9 de abril, ás 20:30 horas na Aula de Cultura Ponte de Rosas, *Mil ríos*, libro feito en co autoría co tamén fotógrafo Fran Herbello no que documentan 34 expedicións en piragua polos ríos de Galicia. A obra, de 324 páxinas, contén textos introdutorios a cargo Pedro de Llano e Federico López Silvestre, e 224 imaxes captadas ao longo desta aventura acompañadas coas súas respectivas bitácoras e gráficas do percorrido.

“Decidimos percorrer os ríos, achegarnos ao descoñecido dende o que a nós nos resulta máis familiar, o mar. Subir a corrente ata onde nos sexa posíbel para así botarlle un pulso amigábel: de ti a ti. Como non facelo? no? “país dos mil ríos?” comentan os autores na web onde reflectiron paso a paso esta aventura.

Sinalan que ao longo de tres anos navegaron nunha piragua amarela de tres metros e medio “*que nos deixa o corpo amolado aos 20 minutos? e que o adormece ás dúas horas*”, mais “*que permitía enfrontar a viaxe cun punto de vista moi próximo á auga, “no seu mesmo plano*”.

Os fotógrafos decidiron autoeditar o libro tras as negativas de la Consellería de Cultura e a Deputación de Pontevedra, segundo dan conta. Nel achegan historias que serán presentadas o vindeiro xoves, como a imprevisible perda dun dos móbiles con cámara que lles axudaba a documentar a expedición no río Xallas. O dispositivo estaba conectado a unha nube controlada

Presentación do libro “Mil Ríos” de Manuel Sendón e Fran Herbelo no IEM.

Escrito por Redaccion @valminorinfo
Mércores, 08 Abril 2015 21:52

polos autores e comezou a aparecer nesta unha serie de imaxes tomadas pola persoa que atopou o aparello días despois. Parte delas foron seleccionadas e integran o libro.

O acto contará cunha presentación a cargo do botánico Xosé Ramón García, membro da Xunta de Goberno do Instituto de Estudos Miñoranos.